

Papia Jut da Mandagıt

But pıso gen

Gen on papiagwan toņ uņun 2 Pita kon gen toņ uņun yombem pali. Uņun Piņkop dakon miņat amıno Gen Bin Tagısi dakon uwalni da gen yoņ uņun do mirak dimasi yopni do yosok. Papia da yaņ yosok, “Piņkop da miņat amin kabini nin nandaņ gadat kalonı kongin atneņ do yosok. Ae amin kinda da nin da nandaņ gadat amaņ uņun kulabık arıpmi dima asak.” (Gagi 3 kon koki).

Jut da yoyıdet toptopmi do pındak kimotni do yosok. Uņun da yaņ yoņ, Piņkop dakon nandaņ yawotni uņun madepsi do yokwi morap galak tokjikon tagı ani yaņ yoņ. Uņun topsi yoņ do kaņ kimotni do yosok. (Gagi 4 kon do koki.)

Ji nandaņ gadatji do kıla anek Gen Bin Tagısi dakon uwalni pabiņ yopni

¹ Nak Jut, nak Yesu Kristo dakon oman monjini, ae Jems dakon padıge.

On papia uņun Piņkop da miņat amıno yaņ damgut ji do mandısat. Piņkop Dat da but dasi galak taņ damısak, anakwan Yesu Kristo da iyi kilasi tagısi asak.

² Piņkop da paņpulugarıban bupmi anpak gat, ae but yawot anpak gat, ae amin do but dasi galak taņ yomyom anpak da egıp egıpjikon madepsi tosak do bisit asat.

Gen Bin Tagısi dakon uwal dakon gen

³ Notnonisi, mibiltok nak Piŋkop da nin morap yokwikon ban timit do anek pi madepsi agit unun do papia mandan dam do galagi madepsi nandat, mani abisok gen kinda mandaken yan nandisat unun yan: ji nandan gadatji kilani tebaisi anek uwalji dakon gen pabin yopni. Piŋkop da nandan gadat kalonji on minjat amini nin do nimgut, do amin kinda da yo nin da nandan gadaman unun kulabik aripmi dimasi asak. ⁴ Nak gen unun dayisat, nido Piŋkop manji iman amin di panmuwukbigwan pasilikon da kili abin pigeŋ. Unun amin gen yokwisi yan yon, “Piŋkop dakon nandan yawotni madepsi, do yumabi anpak mibili mibili tagi aneŋ.” Unun amin da Amin Tagi Yesu Kristo Kila Amin Madepnin kalonji manji iman, do kalipsigwan Piŋkop gen papia da yagit unun da aripmon unuden amin pasildan.

⁵ Ji Amin Tagi da kalip yo agit unun kili nandawit, mani butji pabo pisanban unun do sigin nandani do dayisat. Amin Tagi da kalip Israel amin uwal da kisiron ban timikban Isip yipman kiwit. Anek don nandan gadat dima awit amin unun pantasik agit. ⁶ Ae anelo do nandani. Diwari unun Piŋkop da pi yomgut unun ak do dima galak tawit, anek kokupni yipman dekgwit. Yan awit do Amin Tagi da nap teban tebaisi unun ban panteban agit, ae dam teban pilin tuksigwan yopgut da ekwan. Unun Piŋkop da kobogi do yo yokwisi yomdisak dakon bisap madep do jomjom anek ekwan. ⁷ Ae Sodom kokup amin gat ae Gomora kokup amin gat ae kokup unun da kapmatjok tawit unun do

1:4: Gal 2.4; 2Pi 2.1 **1:5:** TP 12.51; IDT 14.29-30 **1:6:** 2Pi 2.4 **1:7:** WW 19.1-25; 2Pi 2.6,10

nandani. Uņunyo kisi anpak yokwisi awit. Wili miņatyo kisi da yumabi anpak mibili mibili awit, do Piņkop da kindapmon soņban pasilgwit. Uņun da mama gen niyiņek yaņ nolisak, yokwi pakpak amin morap kindap kimot kimori mini uņungwan kobogi timitdaņ.

⁸ Ji dakon nandak nandak paņupbal ak do pi an amin uņunyo kisi yaņ giņ anpak yokwi an. Dipmin mibili mibili pindagek uņun da paņtagap aban yumabi anpak anek giptim timni paņupbal aba iņanisi an, ae Piņkop kwen wigik an imiņek anelo tapmimi toņ uņun do yaņba yokwi tok an.

⁹ Maikel uņun anelo morap dakon mibiltok amini, mani uņun yaņ dima agit. Maikel gat Sunduk gat namin da Moses dakon giptim abidosak yaņ do gen emat agimal bisapmon, Maikel Sunduk do yaņba yokwi tok an imiņek gen yaņ imdo si pasalgit. Yaņ giņ yagit, “Amin Tagi da iyi gen tebaisi gayisak dosi nandisat.” ¹⁰ Mani uņun amin yo morap mibili dima nandaņ pison uņun do yaņba yokwi tok an. Uņun bit kilapyo buri mini yombem da giptim dakon galaktok yolgaņ. Uņun anpakni da obisi paņupbal an. ¹¹ Awa, kaņ kimotni. Uņun Ken dakon anpak an. Uņun Balam da agit uņuden moneņ timit do tek kindap an. Uņun Kora da agit uņuden Piņkop kwen wigik an iman, do wagil pasildaņ.

¹² Ji but kalon anek jap noknok bisap madepon yikgaņ bisapmon uņun amin ji da binapmon yikgaņ uņun imal kwakwagikon garak an

1:9: Dan 10.13,21; 12.1; Sek 3.2; 2Pi 2.11; PA 12.7 **1:10:** 2Pi 2.12 **1:11:** WW 4.7-8; IDT 16.1-35; 2Pi 2.15; 1Jn 3.12 **1:12:** 2Pi 2.13,17

uñun yombem. Mani uñun ji gat yigek jap nok do mayagi ðima nandan. Uñun amin iyi banjin panpulugok dogin nandan. Uñun gikwem sikak ðima yopba manakwa mirim da pisonba dukwan dukwan kwan uñun yombem. Uñun kindap bami toktok bisapmon bami ðima pokgon, ae geli walimbil pilikbi, do kosit bamot kimakgit. ¹³ Uñun amin tap madepsi tamalikgan uñun yombem. Yokwini dakon mayagi tarak ae sibat sibat da yan ilenikon noman ton. Uñun kundukon gik kositni ban ðima yolek akwan uñun yombem. Do Pinkop da kokup pilin tuk dakon pilin tugisi kili anroman an yomgut, unudon kin toktok teban egi wigikdan.

¹⁴ Enok uñun Adam dakon babiknikon da antanban kosiri 7 agit. Uñun da uñun amin yokwi do kombi gen yanek yan yagit, “Koni, Amin Tagi telagi aneloni tausen morapmi gat apdisak. ¹⁵ Abinek minat amin morap gen pikon yopdisak. Anek anpak yokwi awit ae gen yokwisi yan imgwit dakon kobogi yomdisak.” ¹⁶ Uñun amin yo morap noman tan yoman uñun do nandaba yokwi tok anek gen morapmi yon. Uñun iyi dakon butni dakon galaktok yokwi uñun yol do galak ton. Uñun gen pap yanek giptim pawigik anek iyi dakon man pawikwan. Anek minat aminyo uñun panpulugoni do pangalak an.

Nandan gadatji yipba uñun da butji panteban asak

¹⁷ Mani notnonisi, yo don altokdan uñun do aesi nandani, uñun Amin Taginin Yesu Kristo dakon yabekbini da kili yan tenenan damgwit. ¹⁸ Uñun

da yan dayiwit, “Mibi gildaron jigilak gen yogok amin noman tokdan. Anek Piŋkop manji imiŋek iyi dakon galaktok yokwi yoldan.” ¹⁹ Uŋun amin da paŋmuwukbi paŋwasan. Uŋun miŋtim dakon galaktok baŋgin yolgan. Telagi Wup uŋun aminon dima egisak.

²⁰ Mani notnonisi, ji bisapmi bisapmi nandan gadatji Piŋkop da iyi ji do damgut uŋun yipba uŋun da butji paŋteban asak. Ae Telagi Wup da tapmimon bisit ani. ²¹ Piŋkop da ji do but dasi galak taŋ damisak, do uŋun da kapmatjok egek bisapmi bisapmi Amin Taginin Yesu Kristo do jomjom anakwa bupmini nomansi analon anakwan egip egip teban abidoni. ²² Nandan gadatni dima teban taŋbi amin do bupmi nandan yomni. ²³ Ae amin diwari kindapmon ekwan, do ji tepmisi yokwikon baŋ timitni. Ae diwari do bupmi anpak an yomni bisapmon, yokwikon gepni yan do kaŋ kimagek pasol pasol gat kisi ani. Uŋun but kalip dakon anpak yolek garak gin awit. Ji yo morap Piŋkop da dabilon garagi tagi uŋun da dubagikon egipni.

Nin Piŋkop dakon man awigineŋ

²⁴ Kili nak Piŋkop anjkisiat. Tapmimni madepsi, do kilasi anakwan aripmi dima mokdan. Uŋun da timik paŋki depban iyi gat tilimnikon egek gulusunji mini ae kisik kisik madepsi taŋ damdisak. ²⁵ Uŋun kalon dagin Piŋkop egisak. Anek Yesu Kristo Amin Taginin da pi agit uŋun do anek nin yokwikon baŋ timikgit. Do mani awigineŋ. Uŋun

Kila Amin Madep egisak, ae tapmim madepni tan
imisak, ae yo morap dakon busunji egisak. Wasok
wasogikon yan egipgut, ae abisok kisi yan gin
egisak, ae don bisap morap kisi yan gin egipdisak
teban. Unun asi.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 11 Nov 2022 from source files dated 9 Oct 2020

b683ce50-d820-5bfc-8471-d8ee080be106